

ՀՈՒՎԱԾՆԵՐ ԵՎ ՏԱՂԱՐԴՈՒՄՆԵՐ СТАТЬИ И СООБЩЕНИЯ

ՍՈՓԵՍՏՈՒԹՅԱՆ ԵՎ ՂՈԳՄԱՏԻՋՄԻ ԼԵՆԻՆՅԱՆ ՔՆՆԱԴԱՏՈՒԹՅՈՒՆԸ

Վ. Գ. ՕՍԻՊՅԱՆ

Սոփեստությունը դարեր շարունակ եղել է անարդարների զենքը, անսպառազորություն է հանդիսացել կեղծի ճշմարիտի տեղ անցկացնելու, սեր, ինչպես ասում էր Մարքսը, սպիտակի տեղ ներկայացնելու եղանակների ու միջոցների համար։ Մարդկության ամբողջ պատմության ընթացքում սոփեստության են դիմել նրանք, ովքեր իրենց զաղափարների բացահայտ ու ազնիվ հռչակմանը և հակառակորդի դրույթների բացահայտ հերքմանը գերադասել են մոլորության մեջ գցելը, ովքեր օբյեկտիվորեն ճշմարիտ, անկասկածելի դատողությանը գերադասել են կողմնակի ճանապարհներով անցկացվող, արտաքուստ ճշմարտացի, բայց չապացուցված, իրենց համար միակ ձևով դրույթը։

Սոփեստությունը որպես սոցիալական երևույթ միշտ եղել է հասարակական խաբեության քողարկված, հետևաբար նաև առավել վտանգավոր միջոց, լայն մասսաների գիտակցության զաղափարական թունավորման միջոց, երկրեսանիության և դեմագոգիայի կարիքն ունեցող սոցիալական ուժերի շահերի և գործողությունների պաշտպանության ու արդարացման միջոց։

Սոփեստության մասին շատ է գրվել։ Սակայն փխրոսոփայության պատմության մեջ առաջին անգամ փաստորեն միայն մարքսիզմի կլասիկներին և առանձնապես Լենինին հաջողվեց ի հայտ բերել սոփեստության սոցիալական խոր արմատները և պարզաբանել նրա իմացաբանական էությունը։

Սոփեստությունը բազմակողմանի երևույթ է։ Հանդես գալով որպես կենդանի դատողության պրոցեսում ճշմարտության աղավաղման որոշակի ձև, նա իմացաբանական խոր արմատներ ունի հասկացություններին օբյեկտիվորեն ներհատուկ ճկունության հատկությունը սուբյեկտիվորեն կիրառելու հնարավորությունների մեջ։ Սոփեստության տրամաբանական էությունը բացահայտում է նրա մի քանի առանձնահատկությունները՝ մտքի տրամաբանական կառուցվածքի որոշակի կողմերի օգտագործման առումով։ Վերջապես, լեզվական բաղադրամասը՝ արտահայտչական ու իմաստային հնարավորություններ իր հարստությամբ, ինչպես նաև մտածողության նկատմամբ իր յուրօրինակ հարաբերություններով, որոշակի առումով լրացնում է սոփեստության նկարագիրը։

Սակայն այս ասպեկտների, առումների համախմբությունը դեռևս բավարար չէ սոփեստությունը որպես երևույթ առանձնացնելու և սահմանելու համար։ Մտածողության ու լեզվի որոշակի մոմենտները հնարավորություններ են ստեղծում սոփեստության երևույթի առաջացման համար, սակայն նա որ-

պես աշդույսին պարտադիր կերպով ենթադրում է այդ հնարավորությունների կանխակալ, կանխամտածված օդտադործման մոմենտի առկայություն: Ճշմարտությունը աղավաղելու կանխամտածված ձգտումն այնտեղ, ուր բացակայում է ապացուցողականությունը, հանդիսանում է հենց սոփիստության դիմելու հիմնական շարժառիթը:

Սոփիստության իմացարանական խոր էությունը բմբռնելու համար բանալի է հանդիսանում Լենինի այն դրույթը, թե սուբյեկտիվորեն կիրառված հասկացությունների ճկունությունը հանգեցնում է սոփիստության: «Հասկացությունների համակողմանի, ունիվերսալ ճկունություն, մի ճկունություն, որ հասնում է հակադրությունների նույնության,— ահա՛ թե որն է էությունը,— գրել է Վ. Ի. Լենինը:— Այդ ճկունությունը՝ կիրառված սուբյեկտիվորեն, — էկլեկտիկայի և սոփիստության: Օբյեկտիվորեն կիրառված ճկունությունը, այսինքն նյութական պրոցեսի բաղմակողմանիությունը և նրա միասնությունն արտացոլող ճկունությունը, դիալեկտիկա է, աշխարհի հավիտենական զարգացման ճիշտ արտացոլում»¹:

«Հասկացությունների ճկունություն» տերմինը կոչված է համառոտակի նշելու նրանց դիալեկտիկական էության կարևորագույն հատկանիշը՝ նրանց զարգացումն ու փոփոխությունները՝ նրանցում ներդրված հակադրությունների ծավալման միջոցով: Աշխարհն իր շարժման ու զարգացման մեջ համակողմանիորեն արտացոլելու համար հասկացությունները իրար հետ մտնում են պայմանավորվածության նույնպիսի հարաբերությունների մեջ, ինչպես և երեւոյթները: Լենինը նշել է, որ հասկացությունները պետք է լինեն «տաշված, հղկված, ճկուն, շարժուն, ուղյատիվ, փոխկապակցված, հակադրությունների մեջ միասնական, որպեսզի ընդգրկեն աշխարհը»²:

Այս տեսակետից հետաքրքրական է այն զուգահեռը, որ Լենինը անց է կացրել Լեգելի «Տրամաբանության գիտության» և Մարքսի «Կապիտալի», առանձնապես նրա առաջին գլխի, միջև: Ի հակադրություն Լեգելի, որը սոսկ կոահեց իրականության դիալեկտիկան՝ հասկացությունների դիալեկտիկայի մեջ, Մարքսի մոտ հասկացությունների շարժումն ու զարգացումը վերացական-տրամաբանորեն արտացոլում է ապրանքային արտադրության իրական զարգացումը և վերջին հաշվով մտքի մեջ վերարտադրում է արտադրության կապիտալիստական եղանակը՝ նրա սահմանումների ամբողջ հարստությամբ հանդերձ:

Նշելով հասկացությունների փոփոխականությունը, հոսունությունը, անցումները, Լենինը միաժամանակ հատկապես ընդգծում է, որ հասկացությունների դիալեկտիկորեն բմբռնված ճկունությունը ենթադրում է նաև նրանց հարաբերական կայունություն, որոշակիություն:

Նրկու մոմենտների՝ փոփոխականության և որոշակիության զուգորդումը ապահովում է հասկացությունների մեջ իրականության արտացոլման օբյեկտիվությունը: Հասկացության մեջ որոշակիության մոմենտի անտեսումից բնականաբար բխում է նրա փոփոխականության բացարձակացումը, այսինքն հասկացությունների ճկունության ուղյատիվիստական մեկնաբանությունը: Ռելյատիվիզմը, առանձնապես հասկացությունների ճկունության ռելյատիվիս-

¹ Վ. Ի. Լենին, Նրկեր, հատ. 38, էջ 125—126:

² Սույն տեղում, էջ 173:

տական ըմբռնումը, տանում է դեպի սուբյեկտիվիզմի տարրեր ձևեր՝ սկեպտիցիզմ, ագնոստիցիզմ և սոփիստություն: Սկեպտիցիզմը և ագնոստիցիզմը, որպես իմացաբանական կոնցեպցիաներ, հանդիսանում են մտածողության, իմացության սուբյեկտիվիստական ըմբռնումներ, որոնք կասկած են սնում մարդու իմացական հնարավորությունների նկատմամբ: Իսկ սոփիստությունը սուբյեկտիվիզմի այն ձևն է, որի մեջ ռելյատիվիստորեն մեկնաբանված հասկացությունների ճկունությունը հիմք և նախադրյալ է հանդիսանում ու հնարավոր է դարձնում հասկացությունների ճկունության սուբյեկտիվ կիրառումը:

Այսպիսով, սոփիստությունը, ունենալով իմացաբանական նախադրյալներ, ինքը չի գտնվում իմացության տեսության սահմաններում, այսինքն ճանաչողության պրոցեսի որոշակի ըմբռնում չէ, այլ ավելի շուտ վերաբերում է մտածողության «պրակտիկային», հասկացություններով գործառնելու ոլորտին:

Հասկացությունները գործածելիս նրանց հարաբերականությունը, այսինքն այն հանդամանքը, որ նրանք մտքի տարրեր կոնտեքստներում ընդունակ են տարրեր նրբերանգներ ձևեր բերելու, միջոց է դառնում դատողության ընթացքում տրամաբանական սխալ գործելու համար, անհատին անհրաժեշտ գրույթները որպես ապացուցված ներկայացնելու համար:

Սոփիստական դատողությունների բնորոշ գիծը նրանց վերացականությունն է՝ իրականությունից կտրված լինելու իմաստով: Սոփիստական ապացուցումը ըստ էության հանգում է մի հասկացությունից (դատողությունից) մեկ ուրիշը բխեցնելու գործողությունների, այսինքն դուրս չի գալիս վերացական դատողությունների շրջանակներից:

Լենինյան ժառանգությունը մեզ ընձեռում է սոփիստության էության քննադատության փայլուն օրինակներ: Ընդ որում Լենինը հատկապես նշում է սոփիստական դատողությունների վերացականությունը, նրանց կտրվածությունը իրականությունից, առաջին հերթին՝ այդ դատողություններում կոնկրետ իրադրությունը հաշվի չառնելու: Լենինը նշել է, որ գիտական ապացուցումը չպետք է սահմանափակվի միմիայն տրամաբանական դատողություններով, այլ պետք է ներառնի նաև «...ամեն ինչ համաշխարհային պատմության բոլոր փաստերով, դեպքերով, դասերով ստուգելու» եղանակ³:

Սոփիստական դատողությունների գլխավոր հատկանիշներից մեկն այն է, որ դրանք միշտ հանդես են գալիս որպես շահագրգռություն պարունակող դատողություններ՝ ուղղված գրուցակցին, հակառակորդին, նպատակ ունենալով նրան համոզել որևէ բանում կամ խաբելու նրա հավատը որևէ բանի նկատմամբ: Դատողությունների ընթացքում կատարվող սխալը, որպես կանոն, լինում է քողարկված, որպիսզի ստեղծվի ճշմարտացիության խաբուսիկ տպավորություն, իսկական ապացուցողականության բացակայությունը փոխ հատուցվի նրա արտաքին համոզչությամբ:

Իրականում կեղծ գրույթի ապացուցվածության տպավորություն ստեղծելու համար պոտենցիալ հիմք է հանդիսանում հասկացություններին ներհատուկ ճկունության երկակի կիրառման հնարավորությունը: Պարզ ասած. հասկացությունների ճկունության սուբյեկտիվ կիրառումն է, որ պարունակում է սոփիստության իմացաբանական արմատները, իմացաբանական հնարավորությունը: Այդ հնարավորությունը իրականության է վերածվում միայն այն

3 Վ. Ի. Լենին, Երկեր, հատ. 27, էջ 192:

ղեկավարում, երբ առկա է շահագրգռվածության որոշակի վիճակ, որը սլայմանավորում է հասկացությունների ճկունության ազդավորված կիրառման կոնկրետ սահմանը:

Ճանաչող և դատողություններ անող սուբյեկտի նպատակներն ու դիտավորությունները որոշող հանգամանքների թվում առանձնացնելով անհատական բնույթի հանգամանքները, անհրաժեշտ է ընդգծել, որ դրանք մեծապես կանխորոշված են ա՛նհատի սոցիալական էությունը: Ինչպես նշել է Լենինը՝ «հասարակության մեջ ապրել և հասարակությունից ազատ լինել չի կարելի»⁴: Դառաչանի շահերը, հասարակության շահերը, դասակարգի շահերը խոր կնիք են դնում անհատի կողմից իրական աշխարհի ընկալման վրա և վերջին հաշվով կանխորոշում են այդ ընկալման տեսանկյունը:

Հասկանալի է, որ սուբյեկտի նպատակներն ու դիտավորությունները նշանակում են՝ ձգտել այնպիսի արդյունքների, որոնք անհրաժեշտ, հարկավոր, օգտակար են իր համար, ուրեմն և, վերջին հաշվով ու որոշ չափով, նաև այն դասակարգի համար, սոցիալական այն խավի համար, որին նա ներկայացնում է: Ընդ որում սոցիալական, դասակարգային շահերը կարող են համընկնել սլայմության ընթացքի հետ (սոցիալական առաջադիմության կրողը հանդիսացող դասակարգերի ու խավերի մոտ) և չհամընկնել նրա հետ (ուակցիոն խավերի ու դասակարգերի մոտ): Եթե դասակարգի շահերը ուակցիոն են, ապա տվյալ դասակարգի համար օգտակարը միշտ չէ, որ համընկնում է ճշմարտության հասնելու շահագրգռվածության հետ: Այնինչ առաջադիմ դասակարգը իր նպատակների իրականացման համար կարիք չունի ճշմարտությունը ազդավորելու:

Ինչպես հայտնի է, ճշմարտության ազդավորումը կարող է կատարվել զիտակցարար կամ անզիտակցարար՝ Վերլուծելով դադափարախոսության մեջ դասակարգային շահերի ու ձգտումների արտացոլման հարցը, Պլեխանովը նշել է. որ առանձին անհատը, ձգտելով իր շահերը համաձայնեցնել դասակարգի շահերին, կարիք չունի դիմելու «զիտակցված երկերեսանիության»⁵: Այն անկեղծ համոզմունքը, որ իր դասակարգի շահերը համընկնում են ամբողջ հասարակության շահերի հետ, միանգամայն բավարար է, որպեսզի անհատը սխալ համարի այն դադափարները, որոնք վատ հետևանքներով են հղի իր դասակարգի համար, և ճշմարիտ՝ այն դադափարները, որոնք իր դասակարգի համար կարող են «օգտակար լինել»⁶ Պլեխանովը օգտակարը ճշմարիտի հետ նույնացնելու հոգեբանական պրոցեսի մասին ասում է. «Տվյալ հասարակական դասակարգի համար օգտակարը ճշմարիտ է այդ դասակարգը կազմող առանձին անձանց աչքում»⁷: Ընդ որում Պլեխանովն ընդգծում է սլայմության որոշակի ժամանակաշրջաններում «զիտակցված» կամ «չզիտակցված» երկերեսանիության գերակշռության մի շատ բնորոշ օրինաչափություն. որքան ավելի է դասակարգը մոտենում իր անկմանը և կանգնում սլայմության օրյեկտիվ ընթացքի համեմատ ուակցիոն դիրքերում, այնքան «չզիտակցված» երկերեսանիությունը իր տեղը զիջում է «զիտակցված» երկերեսանիությանը: Սոփիստությունն իր էությունը հենց հանդիսանում է զիտակցված երկերեսանիության առավել ընդունելի ձևը:

⁴ Նույն տեղում, հատ. 10, էջ 44:

⁵ Գ. Վ. Պլեխանով, Առաջարան Ա. Դերոբինի «Դիալեկտիկական մատերիալիզմի փիլիսոփայության ներածություն» գրքի, Մ., 1930, էջ 22:

Լենինը նշել է, որ անհրաժեշտ է «կարողանալ պլուխ հանել այն տարած-
ված ֆրագմենտից և ամեն տեսակ սոփիստություններից, որոնցով ամեն մի դա-
ստկարդ և ամեն մի խավ վաբազուրուս և, իր հաստիքական հակումներն ու իր
խփական «ներսուլթը»»⁶:

Հասկանալի է, որ եթե բոլոր ժամանակների ուսուցիչներները կառել են
սոփիստությունների ու ամեն տեսակ խորամանկությունների՝ չհաշտվելով
բոլոր այն ճշմարտությունների հետ, որոնք յուրջ սպառնալիք են ներկայացրել
իրենց սոցիալական գոյության համար, ապա բնական է այն սարսափը և այն
կատաղությունը, որ առաջ է բերել և առաջ է բերում մարքսիզմը կործանման
դատապարտված դասակարգերի ներկայացուցիչների մեջ:

Զարմանալի և պատահական չէ, որ առանձնահատուկ, նպատակադիր սո-
փիստական աղավաղումների է հնթարկվել հենց մարքսիստ՝ ուսուցիչն
պրոլետարիատի տեսական հզոր զենքը:

«Մարքսիզմը և ուղիղիզմը» աշխատության մեջ Լենինը գրում է. «Հայտ-
նի իմացաստախոսությունն, ասում է, որ եթե երկրաչափական աքսիոմաները
դիպչեն մարդկանց շահերին, ապա դրանք անշուշտ կհերքվեն... Հարմանա-
լի չէ, որ Մարքսի ուսմունքը, որն ուղղակի ծառայում է ժամանակակից հա-
սարակության առաջավոր դասակարգի լուսավորությանն ու կազմակերպմանը,
ցույց է տալիս այդ դասակարգի խնդիրները և ապացուցում է — տնտեսական
զարգացման հետևանքով — ժամանակակից հասարակարգի անխուսափելի
փոխարինումը նոր կարգերով, զարմանալի չէ, որ այդ ուսմունքը կյանքի ճա-
նապարհին իր ամեն մի բայլափոխը պետք է կոչվի նվաճել»⁷: Հիմա էլ սո-
փիստությունը կրկին հանդես է գալիս որպես մարքսիզմի թշնամիների հիմ-
նական զենք, որն օգտագործվում է բանվոր դասակարգի ուսուցիչն տեսու-
թյան հիմնական դրույթների ուղիղալի և աղավաղման համար:

Միաժամանակ հետաքրքրական է նշել, որ սոփիստությունը որպես ճշմար-
տության աղավաղման եղանակ օգտագործում են ոչ միայն մարքսիզմի բացա-
հայտ թշնամիներն ու ուղիղիզիստները, այլև դոգմատիկները: Առաջին հա-
յացքից կարող է թվալ, որ դոգմատիզմը, որը պիղանտորեն հետևում է տվյալ
ուսմունքի տառին, բոլորովին կարիք չունի սոփիստության դիմելու: Սակայն
մոտիկից քննելիս պարզվում է, որ սոփիստությունը ամենևին էլ խորթ չէ դոգ-
մատիզմի բուն էությունը:

Մերկացնելով դոգմատիզմը, Լենինը միշտ, յուրաքանչյուր կոնկրետ դեպ-
քում ցույց է տվել, որ անկախ այն բանից, թե բանվորական շարժման մեջ
դոգմատիկական երևույթներ ինչ ձև են ընդունել «աջ» սխալների, թե «ձախ»
խոտորումների, դրանք միշտ նպատակ են ունեցել ապակողմնորոշել մասսա-
ներին, զաղափարապես զինաթափել բանվորական ուսուցիչն շարժումը:

Լենինյան քննադատության ամբողջականությունը և դիպուկությունը պայ-
մանավորված է այն բանով, որ այդ քննադատությունը խորանում է դոգմա-
տիզմի բուն էության մեջ, պարունակում է այդ երևույթի տեսական սպառիչ
վերլուծություն: Դոգմատիզմի լենինյան քննադատության մեջ մեծ տեղ է հատ-
կացված տեսականորեն նրա անհիմն լինելը բացահայտելուն:

6 Վ. Ի. Լենին, Նրվեր, հատ. 5, էջ 517:

7 Նույն տեղում, հատ. 15, էջ 21:

Դոգմատիզմն ամբողջությամբ վերացրած կարելի է բնութագրել որպես պրոբլեմների քննության հակապատմական եղանակ, այսինքն մի եղանակ, որը հաշվի չի առնում կոնկրետ պատմական զարգացումը, հարցադրման ու պրոբլեմների լուծման անխուսափելի փոփոխությունները այն բանի հետևանքով, որ նրանցում պետք է արտացոլում գտնի պատմականորեն անկրկնելի յուրաքանչյուր երևույթի յուրօրինակությունը:

Դոգմատիզմը դիալեկտիկայի հակադրություններից մեկն է և մետաֆիզիկայի, մտածողության մետաֆիզիկական եղանակի դրսևորումը՝ երևույթներին մոտենալու ասպարեզում, հասարակական ու բնագիտական տեսությունները դնահատելու ասպարեզում:

Ի հակադրություն դիալեկտիկայի, որի հիմնական սկզբունքը տեսության ու պրակտիկայի զուգորդումն է, տեսությունը պրակտիկայի տվյալներով մշտապես շտկելու ու ճշտելու սկզբունքը, դոգմատիզմը կանգնած է գիտելիքի զարգացման, փոփոխման մետաֆիզիկական անտեսման դիրքերում, կիրառում է վերացական, սխոլաստիկ, անփոփոխ ձևակերպումներ, որոնք բնորոշվում են որպես միակ ղեղատոմսեր կյանքի բոլոր դեպքերի համար: Այս իմաստով դոգմատիզմը հանդես է գալիս ոչ միայն որպես պրոբլեմների քննության ու մեկնաբանության հակապատմական, այլև վերացական եղանակ:

Դոգմատիզմի համար բնորոշ է այն հանգամանքը, որ նա կառուցում է արդեն ձևաբերված, իր համար անսասան տեսական դրույթներին: Այնինչ իմացության նկատմամբ դիալեկտիկական վերաբերմունքը ենթադրում է, որ երևույթների իմացության և օգտագործման համար նրանց մոտենալիս, մենք, ղեկավարվելով արդեն կուտակված գիտելիքներով, պետք է հաշվի առնենք տվյալ երևույթի կոնկրետ առանձնահատկությունները, ուստի և որոշ չափով՝ քննադատական վերաբերմունք ցուցաբերենք մեր գիտելիքների (գրույթների, տեսությունների և այլն) նկատմամբ: «Իրիտասարդության միությունների խնդիրները» հոգվածում Լենինը գրել է, որ անհրաժեշտ է գիտակցության մեջ վերամշակել ստացած գիտելիքները, նրանց վերաբերվել քննադատաբար, հարստացնել բոլոր փաստերի իմացությամբ: Իսկ դոգմատիզմը գուրկ է քրննադատական վերաբերմունքի այդ անհրաժեշտ բաղադրամասից: Դոգմատիզմին հակադիր մյուս ծայրահեղությունն այս հարցում սկեպտիցիզմն է, որի մեջ քննադատական վերաբերմունքը նույնանում է ժխտողական մոտեցման հետ: Այս իմաստով Ֆետաբրքրական է Հեգելի այն ասույթը, թե «դոգմատիզմի ուղղակի հակադրությունը մերձավորագույն կերպով սկեպտիցիզմն է»⁸:

Դոգմատիկը նոր երևույթին մոտենալիս միշտ աշխատում է այն ամբողջովին տեղավորել հին տեսության շրջանակներում: Այդպիսին է, մասնավորապես, նաև դոգմատիզմը բնագիտության ասպարեզում: Սրինակ, մեր դարասկզբին որոշ ֆիզիկոսներ աշխատում էին նոր հայտնադրությունները բացատրել կլասիկ ֆիզիկայի կատեգորիաներով, այսինքն, փաստորեն անտեսելով այդ հայտնադրությունների յուրահատկություններն ու որակական նոր մակարդակը, ճգնում էին դրանք տեղավորել հին շրջանակների մեջ:

Հասարակական կյանքում և հասարակագիտության մեջ դոգմատիզմը, վերջին հաշվով, վերածվում է բաղադրական ուսուցիչ ուժի, առնվազն՝ հան-

⁸ Տե՛ս Վ. Ի. Լենին, Երկեր, հատ. 31, էջ 349—350:

⁹ Гегель, Сов., т. 1, М.—Л., 1929, էջ 69:

դեռ է գալիս որպես քաղաքական ուսուցիչի օժանդակ միջոց: Դոգմատիզմով, որպես կանոն, գինովում են պահպանողական ուժերը, որոնք ընդունակ չեն ընկալելու նորը և իրենց հակադրում են պատմության օբյեկտիվ առաջընթացին:

Դոգմատիզմը զործառնում է բացարձակ, հավիտենական, անփոփոխ ճշմարտություններով, ճշմարտությունը ընկալելով որպես համապարփակ մի կաղապար, որը կիրառելի է առանց որևէ սահմանափակման, զոգմատիզմը վերջին հաշվով աղավաղում է ճշմարտությունը, «որովհետև ամեն մի ճշմարտություն, եթե այն դարձնենք «չափազանց»... եթե այն գերազնահատենք, եթե այն տարածենք իր իրական կիրառելիության սահմաններից դուրս, կարելի է անհեթեթության հասցնել, և այն նույնիսկ անխուսափելիորեն, հիշյալ պայմանների առկայության դեպքում, անհեթեթություն է դառնում»¹⁰: Լենինը նշել է, որ որևէ գաղափար, մասնավորապես քաղաքական գաղափարը, վարկաբեկելու ամենից հաստատ միջոցն այն է, որ հանուն նրա պաշտպանության այն անհեթեթության հասցվի¹¹:

Իսկ դիալեկտիկական մոտեցումը, ընդունելով դիտելիքի մեջ առկա հարաբերականության մոմենտը, դրանով իսկ մի փոքր «անորոշություն» է մրտցնում մեր գիտելիքի բացարձակ բնույթի մեջ, կանխելով զոգմատիզմը, միևնույն ժամանակ իր այդպիսի մոտեցման շնորհիվ, այն է՝ ընդունելով գիտելիքի հարաբերականությունը առանց բացարձակի մոմենտը ժխտելու, երաշխավորում է գիտելիքի օբյեկտիվ ճշմարտությունը, սահմանազատվելով սուբյեկտիվիզմի զանազան ձևերից: Դիալեկտիկական մատերիալիզմի մեջ հարաբերական և բացարձակ ճշմարտությունների տարբերումը, ինչպես ասել է Լենինը, «հենց այնքան է «անորոշ», որպեսզի խանգարի գիտությունը բառիս վատ իմաստով զոգմայի, ինչ-որ մեռյալ, լճացած, ոսկրացած բանի փոխարկելուն, բայց միևնույն ժամանակ հենց այնքան է «որոշ», որպեսզի ամենավճռական և անդարձ կերպով պատվարվենք ֆիդելիզմից և ազնոստիցիզմից, փիլիսոփայական իդեալիզմից և Հյումի ու Կանտի հետևորդների սոփեստաբանությունից»¹²:

Լենինը մարքսիզմը դիտում էր որպես կենդանի, ստեղծագործական, զարգացող ուսմունք: Մարքսիզմը, որը պնդում է, թե կյանքն անհամեմատ հարուստ է ամեն մի բանաձևից ու ձևակերպումից, որ ճիշտ է միայն այն տեսությունը, որը բացառում է տեսության տառին կառչելու միտումը, իր էությանմբ ու ոգով բացառում է մտքի լճացումը: Մարքսիզմի այդ ոգին ենթադրում է մշտական զարգացում, ուսուցիչին նորարարություն հենց մարքսիստական տեսության բնագավառում: Իր ամբողջ պրակտիկ ու տեսական գործունեությամբ Լենինը, որը մարքսիզմը դուրս բերեց ուսուցիչին պրակտիկայի թատերաբեմ և համապատասխանաբար այն հարստացրեց կարևորագույն հետևություններով և դրույթներով, դրանով իսկ տեսության նկատմամբ ստեղծագործական մոտեցման փայլուն օրինակ ցույց տվեց:

Իր մի շարք աշխատություններում Լենինը անխնա քննադատում է այս վայ-տեսաբաններին, «որոնք արդեն քանիցս տխուր դեր են խաղացել մեր պարտիայի պատմության մեջ՝ կրկնելով անմտորեն սևուտած ֆորմուլան, փո-

10 Վ. Ի. Լենին, Նրկեր, հատ. 31, էջ 58—59:

11 Տե՛ս նույն տեղում, էջ 58:

12 Նույն տեղում, հատ. 14, էջ 171:

խանակ ուսումնասիրելու նոր, կենդանի իրականության յուրահատկությունները»¹³։ Նա շարունակ հիշեցնում էր, որ մարքսիզմի կլասիկները զգուշացնում էին, թե մարքսիզմը չպետք է ընդունել որպես զոգմա, որպես ավարտուն, պատրաստի, անփոփոխ մի ուսմունք, այլ հաստատակամորեն խորհուրդ էին տալիս այն կիրառել որպես զործողության ուղեցույց, և որ հենց դրա շնորհիվ էլ մարքսիզմը «չի կարող իր վրա շարտացույց հասարակական կյանքի պայմանների դարմանալի սուր փոփոխումը»¹⁴։

«Նամականեր առկտիկայի մասին» աշխատության մեջ Լենինը նշում է, որ «անհրաժեշտ է յուրացնել այն անվիճելի ճշմարտությունը, որ մարքսիստը պետք է հաշվի առնի կենդանի կյանքը, հրակալության ճշգրիտ փաստերը, և ոչ թե շարունակի կառելի երեկվա թեորիային, որը, ինչպես և ամեն մի թեորիա, լավագույն դեպքում միայն նշում է հիմնականը, ընդհանուրը, միայն մոտենում է կյանքի բարդությունն ընդգրկելուն»¹⁵։

Պատմական կոնկրետ վերլուծություն՝ ահա՛ այն միակ բանալին, որը թույլ է տալիս պարզելու, թե ինչ սահմաններում են կիրառելի ձևեր բերված տեսական դրույթները իրականության բազմազան, անկրկնելի փաստերի նկատմամբ։ Ահա՛ այն շափանիշը, որը անսխալ կերպով կօգնի գտնելու միակ ճշմարիտ, միակ հեռանկարային մոտեցումը իրականությանը, կօգնի խուսափելու ամեն տեսակ շեղումներից ու տեսական անհաջողություններից։ Մարքսիզմի ուղղություն ոգուն չափազանց խորթ է Մարքսի՝ իր դարաշրջանի համար միակ ճշմարիտ դրույթների մեխանիկական տարածումը փոփոխված պայմանների նկատմամբ, նոր դարաշրջանում։ Քննարկելով այն հարցը, թե արդյոք կարող ենք Լեհաստանը ուղղություն համարել նաև նոր դարաշրջանում և արդյոք անհրաժեշտ էր ակտիվ կերպով աջակցել Լեհաստանին անկախություն տրամադրելու պահանջներին, Լենինը գրել է. «Եթե «Լեհական սոցիալիստական պարտիան»... 1896 թվականին փորձում էր «ամրապնդել» Մարքսի տեսակետը այլ էպոխայում, ապա այդ արդեն նշանակում էր մարքսիզմի տառն օգտագործել ընդդեմ մարքսիզմի ոգու»¹⁶։

* * *

Իրենց տեսական դրույթները հիմնավորելու համար զոգմատիկները հաճախ ստիպված են լինում դիմելու սոփիստության։ Իսկ պայմանավորված է երկու հանգամանքով։ Դոգմատիզմը իր պահպանողական էության պատճառով ետ է մնում իրականությունից, ուստի և իր տեսական դրույթների արդարացման համար դիմում է դեմագոգիայի գանազան միջոցների, այդ թվում նաև սոփիստության։ Մյուս կողմից, զոգմատիզմի համար բնորոշ է տեսության առանձին դրույթների կորզումը և բացարձակացումը, որոնց վրա էլ նա կառուցում է իր տեսակետը, իր կոնցկուրենս։ Այսպես, իրենց մարքսիստ հռչակող զոգմատիկները, որպես կանոն, վերցնում են մարքսիզմի կլասիկների առանձին ասույթները, որ նրանք բնկալում են որպես ֆորմուլաներ, մոռանալով, որ այդ ասույթները հանդիսանում են որոշակի, կոնկրետ իրադրության նկատմամբ ընդհանուր սկզբունքի կիրառման արդյունք և որ չի կարելի, ան-

¹³ Նույն տեղում, հատ. 24, էջ 32։

¹⁴ Նույն տեղում, հատ. 17, էջ 33։

¹⁵ Նույն տեղում, հատ. 24, էջ 33։

¹⁶ Նույն տեղում, հատ. 20, էջ 541։

առեսելով դասակարգային ուժերի ընդհանուր հարաբերակցության փոփոխման գիաստը, վերադական՝ սխեմայի վերածել կոնկրետ, իր ժամանակի համար հիմնավորված դրույթները: Դրանով իսկ ղոգմատիկները հակասության մեջ են ընկնում այն իսկ տեսության հետ, որը հավակնում են պաշտպանել: Այս անհամապատասխանությունը կոծկելու համար ևս ղոգմատիկները ստիպված են դիմելու ղեմագործիայի տարրեր միջոցներին, մասնավորապես նաև սոփեստության:

Դոգմատիզմի և սոփեստության լինիյան քննադատությունն առանձնապես ակտուալ է՝ ներում այսօր, երբ Ձինաստանի կոմպարտիայի ղեկավարները, խոսքով հավատացնելով, թե իրենք հավատարիմ են մարքսիզմ-լենինիզմին, փաստորեն պարար են մղում մեր դարաշրջանի պայմանների նկատմամբ մարքսիզմ-լենինիզմի սկզբունքների ստեղծագործական կիրառման ղեմ, երբ նրանք, խոսքով հանղես զալով հօգուտ ղիալեկտիկայի, իրականում այն նենգափոխում են սոփեստական բառախաղով:

Իոլոր այն ղեպերում, երբ խոսքը վերաբերում է մարքսիզմ-լենինիզմի սկզբունքների ստեղծագործական կիրառման շնորհիվ եղբայրական պարտիաների ընդհանուր ուժերով մշակված ղնահատականներին և հետևություններին, չին ղեկավարները, ելնելով մարտնչող ղոգմատիզմի ղիրքերից, արտառոց պահպանողականություն և սահմանափակություն են ցուցաբերում մարքսիզմի տառն ու ողին ըմբռնելու և ղանաղանելու մեջ:

Այդպիսիք են համաշխարհային սոցիալիստական սիստեմի ղերի ղնահատման հարցը, սոցիալիզմի և կոմունիզմի կառուցման ուղիների, համաշխարհային պատերազմը կանխելու հնարավորությունների, սոցիալական տարրեր կարղ ունեցող երկրների խաղաղ ղոյակցության, սոցիալիզմին անցնելու ձևերի հարցերը: անհատի պաշտամունքի ղաղափարախոսության ու պրակտիկայի ղեմ պայքարելու անհրաժեշտության հարցը և այլն:

Իրենց հռչակած կուրսը, որի մեջ միահյուսված են մանր-բուրժուական ավանտյուրիզմն ու մեծապետական շովինիզմը, չին ղեկավարները Քղնում են պարտաղրել ամբողջ սոցիալիստական լաղերին և համաշխարհային կոմունիստական շարժմանը:

Իրենց համար ձևոնտու պնղումների խարուսիկ հիմնավորվածությունը չին տեսարաններն աշխատում են ասպհուվել՝ օղտագործելով մարքս-լենինիստի ուսմունքի անվիճելի և անբասիր ճշմարտությունները: Նրանց մտակառուցումների սոփեստությունը կայանում է այն բանում, որ, ղիտակցարար անտեսելով երևույթների վերլուծության և իրաղրության ղնահատման ժամանակ կոնկրետ, ղիֆերենցված մոտեցում ցուցաբերելու պահանջը, նրանք ղոգմատիկորեն ընկալված մարքսիզմի դրույթները մեկնաբանում են իրենց ձևորնտու իմաստով, այն տպավորությունն ստեղծելով, թե իրենք հավատարիմ են մարքսիզմի սկզբունքներին, միակ հետեողական լինիյաններն ու իսկական ռելլուցիոներներն են:

Այսպես, տեսության ասպարեղում նրանք հասարակացնում ու ղոնհկացնում են ղիալեկտիկայի ամենից էական ղրույթը՝ հակաղրությունների պայքարի միջոցով իրականացող շարժման հարցը, այղ սկզբունքի համընդհանրությունն ընկալելով իրբ բուրբ և ամեն սեսակի հակասությունների համարժեքություն: Այնինչ մարքսիստական ղիալեկտիկան ենթաղրում է ղիֆերենցված մոտեցում հակասությունների նկատմամբ, իրականության երևույթներին

կապերի և հարաբերությունների ամբողջ համակարգից առանձնացնելով օբյեկտիվորեն անհրաժեշտ ու պատահական, էական ու ոչ-էական և այլ կարգի հակասություններ: Յուրաքանչյուր պրոցեսի հակասությունների թվում դիալեկտիկան առանձնացնում է հիմնական, առաջատար հակասությունը, նրա զլխավոր շարժիչ ուժը:

Դիալեկտիկան հանգեցնելով օրինակների գումարի և եզակի փաստերի էմպիրիկ արձանագրման, չին «տեսաբաններն» այն տեղն են հասնում, որ իրենք են հորինում մտացածին, երբեմն շատ արտաոռց հակասություններ, ինչպես, օրինակ, հակասություն... մարդու երկու ոտքերի միջև: Այսպիսին է դիալեկտիկայի չինական գոհհկացումը, փիլիսոփայական սկզբունքի շփոթումը առօրեական ըմբռնումների հետ, երբ հակասություն է համարվում ամեն մի տարբերություն: Դրանով իսկ հակադրությունների պայքարի միջոցով իրականացող զարգացման սկզբունքը, որը վեր է հանում ինքնաշարժման աղբյուրը, կորցնում է իր իսկական իմաստը, դառնում սոփիստական բառախաղ կեղծ-դիալեկտիկական անտինոմիաներով: Մյուս կողմից, այդպիսի գոհհկացումը՝ հակասությունների հանգեցումը առօրեական փաստերի, ամեն մի առանձին երևույթի մեջ մտացածին հակասություն գտնելը, այդ սկզբունքը դարձնում է միջոց՝ ամեն տեսակ գործողությունների, այդ թվում և բաղադրական բայերի, արդարացման և յուրօրինակ բացատրության համար: Դիալեկտիկայի հիմնական սկզբունքի, ասենք, առհասարակ դիալեկտիկայի, նկատմամբ նման մոտեցումը դիալեկտիկայի ուտիլիտարիստական, պրագմատիստական րենկավման արգասիք է:

Այսպես, սոփեստորեն կորզելով և միմյանց հակադրելով միևնույն երեւույթի տարբեր կողմերը և դա հիմնավորելով հակադրությունների պայքարի համապարփակության վկայակոչումով, չին տեսաբանները հորինում են նոր, իրենց հարկավոր, բայց իրականում գոյություն չունեցող հակասություններ: Որինակ, ինչպես հայտնի է, չին ղեկավարները ազգային-ազատագրական շարժումը հակադրում են սոցիալիստական սիստեմին և կապիտալիստական երկրների բանվորական շարժմանը, այն հռչակելով զլխավոր ուժ իմպերիալիզմի դեմ մղվող պայքարում և դրանով իսկ ձգտելով պառակտում մտցնել արդիականության ուղղություն ուժերի միասնության մեջ:

Հակադրությունների պայքարի սկզբունքի տառացի և մակերեսային կիրառման մեկ ուրիշ բնորոշ օրինակ է հանդիսանում չին ղեկավարների մոտեցումը պատերազմի և խաղաղության հարցին: Խաղաղության պայքարը նրանք հակադրում են ուղղություն շարժմանը, գտնելով, որ մեկը բացառում է մյուսը, որ նա, ով պայքարում է հանուն խաղաղության և պատերազմի կանխման, նա ղեմ է ուղղությունային և վնասում է ուղղությունը պայքարին: Մերժելով խաղաղ գոյակցության լենինյան կուրսը, չին «մարքսիստները» խաղաղության համար պայքարելու անհրաժեշտության հիմնավորումը համարում են գինաթափում ժամանակակից իմպերիալիզմի հանդեպ: Կապիտալիզմի և սոցիալիզմի, որպես հակադիր ուժերի, պայքարը, նրանց կարծիքով, իր լուծումն է գտնում պատերազմների միջոցով. այսպիսով, պատմական առաջադիմության հաղթանակի ուղիների մեջ նրանք անվերապահորեն մտցնում են բռնությունը: Այնինչ նման միտումները, ինչպես և կապիտալիստական երկրների ուղղություն շարժումները՝ զրսից արհեստականորեն «առաջ մղելու» ավանտյուրիստական կոնցեպցիաները, ընդհուպ մինչև ռազմական միջամտության կոչերը, աղաղակող հա-

կասություն մեջ են գտնվում ուսուցիչների վերաբերյալ մարքս-լենինյան ուսմունքի հետ: Լենինը, քննադատելով «ձախ» կոմունիստներին, գրել է, որ մարքսիզմը «միշտ ժխտել է ուսուցիչների առաջնությունը», որոնք զարգանում են ուսուցիչներ ծնող դասակարգային հակասությունների սրության հասունանալուն համընթաց¹⁷: Այս տեսակետից չին «տեսաբանների» դրույթները հանդիսանում են տրոցկիզմի զաղափարների ուղղակի շարունակությունը, որոնց իր ժամանակին խիստ ու վճռական հակահարված է տվել մեր պարտիան:

Պարզամտություն կրիներ կարծել, թե այս բոլոր դատողությունները տեսական թույլության մեջ են: Երկրորդ կարգի մարքսիզմը պայմանավորված սխալների արդասիք են: Արհեստականորեն հորինված հակասությունների վրա խարսխվող այս բոլոր մտակառուցումներում առկա են շահագիտական միտումներ, կեղծ ճշմարտի տեղ ներկայացնելու ձգտում: Խոսքն այն մասին է, որ չին դեկավարների այժմյան կուրսի իսկական շարժառիթը, որը նրանք ձգնում են վարդապետել կեղծ-դիալեկտիկական ֆրազներով, ոչ թե հոգատարություն է կոմունիստական ամբողջ շարժման ապագայի նկատմամբ, այլ նրանց ձգտումը՝ «չինական սոցիալիզմը» հռչակել որպես զաղույթային լծից ազատագրվող երկրների համար միակ ընդունելի քաղաքական կուրս:

Այստեղ ակնառու կերպով երևում է նաև, որ դոգմատիզմը կարող է վերածվել մի յուրահատուկ ձևի՝ ուղիղ զրկումի: Հռչակելով «չինական մարքսիզմի», «չինականացված դիալեկտիկայի» յուրօրինակությունը, որն իբր թե համապատասխանում է կոնկրետ վերլուծության վերաբերյալ մարքսիզմի պահանջին, չին «տեսաբաններն» այն տեղն են հասել, որ սկսել են պնդել, թե մինչև այժմ գոյություն ունեցած մարքսիզմը հնացել է, թե այն նեղ է՝ միմիայն եվրոպական, և թե մարքսիզմի չինական կամ ասիական ձևն է հանդիսանում այդ ուսմունքի զաղափնակետը, նրա ժամանակակից ձևը: Դեռ 1946 թ. Լյու Շաո-ցին հայտարարել է. «Մաո Ցզե-դունի մեծ նվաճումն այն է, որ նա մարքսիզմ-լենինիզմին ասիական ձև տվեց՝ եվրոպականի փոխարեն... Նա ստեղծեց մարքսիզմի չինական կամ ասիական ձևը»: Մարքսիզմի «չինական ձևի» յուրահատկությունների և առավելությունների շուրջը տեսական մանվածապատ դատողություններով, այնուամենայնիվ, հնարավոր չէ քողարկել այն փաստը, որ տեսական այդ կառուցումները սերտորեն կապված են մեծապետական նկրտումների հետ:

Մարքսիզմի առանձին դրույթների միակողմանի, արտաքուստ միայն հետևողական կիրառման վրա խարսխված տեսական դատողությունները իրենց էությունով դոգմատիկ են: Բայց որքանով որ դրանց նախադրված է հատուկ շահագիտություն, որն արտահայտվում է հենց այդ դրույթների կանխակալ ընտրության և միտումնավոր կիրարկման մեջ՝ հակառակ տեսության ներքին տրամաբանության և իրականության օրինաչափ ընթացքի, այնքանով էլ այդ դատողությունները ստանում են սոփիստությունների ձև, դիտակցորեն մոլորության մեջ դրելու ձև: Ինչ որքանով որ այդ դատողությունները, բնականաբար, չեն կարող մի ավարտուն կոնցեպցիա, մի կուռ աշխարհայացք կազմել, որքանով որ դրանք չեն ելնում կոնկրետ իրականության ամբողջական ընկալումից ու կոնկրետ վերլուծությունից, այլ կոչված են տեսականորեն հիմնավորել:

17 Վ. Ի. Լենին. Երկեր, հատ. 27, էջ 66:

լու չին ղեկավարների մեծապետական ձգտումները, այնքանով էլ դրանք էկզիկ-տիկական են՝ ներկայացնում են տարատեսակ, անհարիր տեսական դրույթ-ների համակցություն:

Մարքսիզմը եղել ու մնում է մի ուսմունք, որն իր խոր էությունը կոչված է նշելու ամբողջ մարդկության առաջադիմության ջանապարհը: Մարքսիզմը չի կարելի «եվրոպականացնել» կամ «ասիականացնել», «չինականացնել»․ այլ պետք է կարողանալ կիրառել որպես գործողության ուղեցույց, միշտ հիշելով, որ օբյեկտիվ իրականության երևույթներին մոտենալու և գնահատելու սկզբունքը մարքս-լենինյան փիլիսոփայության մեջ ճշմարտության կոնկրետության ուսմունքն է և, համապատասխանաբար, դասակարգային ուժերի հարաբերակցության օբյեկտիվ հաշվառումը, աշխարհում կատարվող սոցիալական ու քաղաքական տեղաշարժերի դիալեկտիկական լերլուծությունը:

ЛЕНИНСКАЯ КРИТИКА СОФИСТИКИ И ДОГМАТИЗМА

В. Г. ОСИПЯН

(Р е з ю м е)

Статья посвящена ленинскому анализу теоретических корней и социальной функции софистики и догматизма. В ней разбираются ленинские идеи о гносеологической сущности софистики, как субъективного применения гибкости понятий, о ее противоположности диалектике. Показывается, что сопоставление и противопоставление софистики и диалектики проходят через момент релятивного, в определенной степени наличествующий в диалектике и возведенный в принцип софистикой. Особое внимание уделено социальной функции софистики, к которой прибегали всегда, когда открытому и честному провозглашению своих идей предпочиталось сознательное введение в заблуждение, когда объективно истинному доказательному рассуждению предпочиталось окольными путями протаскиваемое, внешне правдоподобное, но недоказуемое положение, единственно нужное рассуждающему.

Софистика занимает значительное место в арсенале средств искажения марксизма всеми и всяческими оппортунистами. При ближайшем рассмотрении оказывается, что даже догматизму, который педантично придерживается буквы данного учения, не чужда софистика. Обращение догматиков к софистическим приемам доказательства обусловлено, с одной стороны, неувязкой их теоретических построений с действительностью, а с другой — неувязкой вырванных из контекста и односторонне трактуемых положений с духом учения, последователями которого они себя провозглашают.

Актуальность ленинской критики софистики и догматизма показывается на критическом анализе теоретических построений и практических действий сегодняшних руководителей КПК, стоящих на великодержавных и авантюристических позициях.